

# ՊԱՅՄԱՆԱԳԻՐ

## Համատեղ գործունեություն իրականացնելու մասին

գ. Արգել

«\_11\_» \_մայիսի\_ 2026թ.

«ՍԱՔՇԻՆ» ՍՊԸ-ն, որը գործում է կազմակերպության կանոնադրության հիման վրա, ի դեմս տնօրեն Ս. Մանուկյանի (այսուհետ՝ «Գործընկեր Ա») մի կողմից, և «ԱՇՈՏ ԵՎ ՀԱՅԿ ԵՂՔԱՅՐՆԵՐ» ՍՊԸ-ն, որը գործում է կազմակերպության կանոնադրության հիման վրա, ի դեմս տնօրեն Լ. Հայրապետյանի (այսուհետ՝ «Գործընկեր Բ»), մյուս կողմից, որոնք այսուհետ համատեղ կկոչվեն Մասնակիցներ, կնքեցին սույն համատեղ գործունեության պայմանագիրը (այսուհետ՝ ՊԱՅՄԱՆԱԳԻՐ) հետևյալի մասին.

### 1. ՊԱՅՄԱՆԱԳՐԻ ԱՌԱՐԿԱՆ

1.1 Սույն ՊԱՅՄԱՆԱԳՐՈՎ «Գործընկեր Ա»-ն և «Գործընկեր Բ»-ն, առանց իրավաբանական անձ կազմավորելու, միավորում են իրենց պատկանող գույքը, նյութական և ոչ նյութական արժեքները, գործարար կապերն ու իրենց ամբողջ ներկազմակերպական ներուժը՝ ստեղծելով «ԿՈՆՍՈՐՑԻՈՒՄ»:

1.2 «ԿՈՆՍՈՐՑԻՈՒՄ» ստեղծելու նպատակն է՝ «Գործընկեր Ա»-ի և «Գործընկեր Բ»-ի փոխհամագործակցությամբ ու միավորված ներուժով իրականացնել Ալավերդու համայնքապետարանի կողմից հայտարարված «ԼՄԱՀ-ԳՀԱՇՁԲ-26/22» ծածկագրով գնանշման հարցման ընթացակարգի հայտարարությամբ նախատեսված աշխատանքները (այսուհետ՝ Աշխատանքներ):

1.3 «Գործընկեր Ա»-ն որպես ավանդ ներդնում է ֆինանսական միջոցները, տեխնիկական միջոցները, աշխատանքային ռեսուրսները՝ համապատասխանելով «ԼՄԱՀ-ԳՀԱՇՁԲ-26/22» ծածկագրով գնանշման հարցման ընթացակարգով հայտարարված «Մասնագիտական փորձառություն», «Ֆինանսական միջոցներ», «Տեխնիկական միջոցներ», «Աշխատանքային ռեսուրսներ» որակավորման չափանիշներին՝ պայմանագրի 1.2 կետում նշված գործունեությունն իրականացնելու նպատակով:

1.4 «Գործընկեր Բ»-ն որպես ավանդ ներդնում է «Էլեկտրամատակարարում (Էլեկտրամատակարարման, էլեկտրալուսավորման ներքին և արտաքին ցանցեր, էլեկտրամատակարարման համակարգեր, ֆոտովոլտային և հողմաէներգետիկ կայաններ)» լիցենզիան և դրա շրջանակներում կատարված համանման աշխատանքների կատարված լինելը հավաստող փորձառությունը՝ համապատասխանելով «ԼՄԱՀ-ԳՀԱՇՁԲ-26/22» ծածկագրով գնանշման հարցման ընթացակարգով հայտարարված «Մասնագիտական փորձառություն» որակավորման չափանիշին՝ պայմանագրի 1.2 կետում նշված գործունեությունն իրականացնելու նպատակով:

### 2. ՄԱՍՆԱԿԻՑՆԵՐԻ ԿՈՂՄԻՑ ԸՆԴՀԱՆՈՒՐ ԳՈՐԾԵՐ ՎԱՐԵԼԸ

2.1 «ԿՈՆՍՈՐՑԻՈՒՄ»-ի Մասնակիցների միջև ձեռք բերվեց համաձայնություն առ այն, որ սույն ՊԱՅՄԱՆԱԳՐԻ շրջանակներում իրականացվելիք գործունեության շրջանակներում «Գործընկեր Ա»-ն հանդես է գալիս որպես ՀԱՄԱՏԵՂ ԳՈՐԾՈՒՆԵՈՒԹՅԱՆ ՀԱՇՎԵՏՈՒ ՄԱՍՆԱԿԻՑ գործընկեր՝ ՊԱՅՄԱՆԱԳՐԻ շրջանակներում գործելով Մասնակիցների անունից:

2.2 Հիմք ընդունելով սույն ՊԱՅՄԱՆԱԳՐԻ 1.1 կետով ձեռք բերված համաձայնությունը, Մասնակիցները սահմանում են, որ «ԿՈՆՍՈՐՑԻՈՒՄ»-ին պայմանագիր շնորհելու դեպքում բոլոր ֆինանսական գործարքները, դրամական փոխանցումները, Պատվիրատուի հետ փոխադարձ հաշվարկներն իրականացվելու են հիմք ընդունելով «ԿՈՆՍՈՐՑԻՈՒՄ»-ի կողմից Աշխատանքների դիմաց ներկայացված կատարողական ակտերը, որոնց դիմաց վճարումները կիրականացվեն «Գործընկեր Ա»-ի հաշվարկային հաշվին:

2.3 Մասնակիցների միջև ձեռք բերվեց համաձայնություն «ԿՈՆՍՈՐՑԻՈՒՄ»-ի կողմից ներկայացվող գնման ընթացակարգի հայտը ստորագրվելու է «Գործընկեր Ա» և «Գործընկեր Բ» տնօրենների կողմից, իսկ գնման ընթացակարգի հայտը ուղեկցող բոլոր այն փաստաթղթերը, որոնք ներկայացվելու են «ԿՈՆՍՈՐՑԻՈՒՄ»-ի անունից, կներկայացվեն «Գործընկեր Ա» և «Գործընկեր Բ» միասնական ձևաթղթերով՝

վավերացված վերջիններիս կնիքներով և տնօրենների (կամ նրանց լիազորված ներկայացուցիչների) ստորագրություններով:

2.4 «**ԿՈՆՍՈՐՑԻՈՒՄ**»-ի համատեղ գործունեության ամբողջ ընթացքում **Մասնակիցներից** յուրաքանչյուրը, իր իրավասությունների սահմաններում, ինչպես նաև սույն **ՊԱՅՄԱՆԱԳՐԻ** շրջանակներում իրականացվելիք աշխատանքների կատարման նպատակով միմյանց գրավոր կամ բանավոր համաձայնությամբ իրականացնում են ցանկացած գործառույթ կամ գործողություն, որը կնպաստի «**ԿՈՆՍՈՐՑԻՈՒՄ**»-ի՝ **ՊԱՅՄԱՆԱԳՐՈՎ** սահմանված նպատակների իրականացմանը:

2.5 «**ԿՈՆՍՈՐՑԻՈՒՄ**»-ի կողմերը փոխադարձ համաձայնությամբ կարող են ունենալ իրենց ընդհանուր լիազորված երրորդ անձը:

### 3. ՄԱՍՆԱԿԻՑՆԵՐԻ ԸՆԴՀԱՆՈՒՐ ԳՈՒՅՔԸ

3.1 **ՊԱՅՄԱՆԱԳՐԻ** շրջանակներում «**ԿՈՆՍՈՐՑԻՈՒՄ**»-ի կողմից իրականացվող գործունեության նպատակներին հասնելու համար «**Գործընկեր Ա**»-ի և «**Գործընկեր Բ**»-ի կողմից կարող է ներդրվել գույքը, որը համարվում է այն տրամադրած Մասնակցի սեփականությունը, եթե **ՊԱՅՄԱՆԱԳՐՈՎ** կամ համատեղ գործունեության ժամանակ որևէ այլ պայմանավորվածություն ձեռք չի բերվել:

3.2 «**ԿՈՆՍՈՐՑԻՈՒՄ**»-ի համատեղ գործունեությունն ապահովելու համար «**ԿՈՆՍՈՐՑԻՈՒՄ**»-ի կողմերը կարող են փոխանցել դրամական միջոցներ դրամով և արտարժույթով, հանձնել գույք, հողի, ջրի, այլ բնական ռեսուրսների, շենքերի, շինությունների օգտագործման իրավունք, այլ գույքային իրավունքներ, կատարել աշխատանքներ և մատուցել ծառայություններ: Ներդրված ավանդի գնահատումը կատարվում է կողմերի համատեղ որոշմամբ:

3.3 **Մասնակիցները** կարող են կայացնել որոշում՝ լրացուցիչ ներդրումներ կատարելու մասին: Այդ որոշումը կայացվում է համատեղ, հետագայում այն պարտադիր է կողմերի համար և հանդիսանում է **ՊԱՅՄԱՆԱԳՐԻ** անբաժանելի մասը:

3.4 Հիմք ընդունելով **ՊԱՅՄԱՆԱԳՐԻ** 2.1 կետը՝ «**ԿՈՆՍՈՐՑԻՈՒՄ**»-ի համատեղ գործունեության կառավարումն ու համակարգումը հանձնարարվում է «**Գործընկեր Ա**»-ին, որը տնօրինում է **Մասնակիցների** կողմից ներդրված գույքը, ղեկավարում **ՊԱՅՄԱՆԱԳՐԻ** գործընթացը և գործունեության նպատակներին հասնելու համար իրականացնում անհրաժեշտ այլ գործառույթներ՝ **ՊԱՅՄԱՆԱԳՐՈՎ** կամ **Մասնակիցների** համաձայնությամբ իրեն լիազորված իրավունքների սահմաններում:

### 4. ՄԱՍՆԱԿԻՑՆԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

4.1 «**ԿՈՆՍՈՐՑԻՈՒՄ**»-ի **Մասնակիցների** գնման ընթացակարգի արդյունքում հաղթելու պարագայում Մասնակիցներից յուրաքանչյուրը սահմանված **Աշխատանքների** համար կրում է համատեղ և համապարտ պատասխանատվություն:

4.2 «**ԿՈՆՍՈՐՑԻՈՒՄ**»-ի կողմերը, առաջնորդվելով **ՊԱՅՄԱՆԱԳՐԻ** շրջանակներում հետապնդվող շահերով, միմյանց նկատմամբ որևէ սահմանափակում չեն դնում՝ համատեղ գործունեությանն առնչվող տեղեկատվության փոխանակման, ինչպես նաև գործին առնչվող ցանկացած տեղեկատվության՝ ժամանակին ու պատշաճորեն երկուստեք իրազեկման հարցերում:

4.3 **Մասնակիցներից** յուրաքանչյուրն իրավունք ունի ցանկացած ժամանակ ծանոթանալ **ՊԱՅՄԱՆԱԳՐԻ** շրջանակներում գործերը վարելու բոլոր փաստաթղթերին:

4.4 «**ԿՈՆՍՈՐՑԻՈՒՄ**»-ի կողմերը եկան համաձայնության առ այն, որ **ՊԱՅՄԱՆԱԳՐԻ** շրջանակներում իրականացվելիք համատեղ գործունեության ընթացքում **Մասնակիցները** պարտավորվում են պահպանել իրենց գործունեությանն առնչվող գործարար ու աշխատանքային գաղտնիքները, իսկ դրանց հրապարակման համար կողմերը պատասխանատվություն են կրում՝ հաշվի առնելով ընդհանուր շահերը և յուրաքանչյուր կողմի մեղքը:

4.5 **ՊԱՅՄԱՆԱԳՐԻ** շրջանակներում իրականացվելիք համատեղ գործունեության նպատակով **Մասնակիցների** հատկացրած գույքը վերջիններս իրավունք չունեն միակողմանի տնօրինել կամ դրա հաշվին կատարել իրենց անձնական պարտավորությունները, եթե այլ լրացուցիչ գրավոր համաձայնություն ձեռք չի բերվի **Մասնակիցների** միջև:

4.6 **Մասնակիցները** իրավունք ունեն **ՊԱՅՄԱՆԱԳՐԻ** շրջանակներում իրենց կողմից ներդրված սեփական գույքը օգտագործել իրենց հայեցողությամբ՝ անկախ

**ՊԱՅՄԱՆԱԳՐՈՎ** նախատեսված համատեղ գործունեության նպատակներից, որը սակայն չպետք է խոչընդոտի **ՊԱՅՄԱՆԱԳՐՈՎ** ստանձնած նպատակների իրականացմանը: Նման դեպքերում **Մասնակիցները ՊԱՅՄԱՆԱԳՐԻ** գործունեության ընթացքում պետք է միմյանց տեղեկացնեն նմանատիպ օգտագործման մասին:

4.7 **ՊԱՅՄԱՆԱԳՐԻ** շրջանակներում համատեղ նպատակներին հասնելու համար կողմերը կարող են օգտագործել նաև **ՊԱՅՄԱՆԱԳՐՈՎ** չնախատեսված գույք, նախնական համաձայնության դեպքում վճարելով դրա դիմաց՝ ըստ ձեռք բերված պայմանավորվածության: Այդ դեպքում գույքը մնում է սեփականատիրոջ հաշվեկշռի վրա և չի փոխանցվում **«ԿՈՆՍՈՐՑԻՈՒՄ»-ի** գործունեությունը համակարգող կողմին (**«Գործընկեր Ա»-ին**):

4.8 **ՊԱՅՄԱՆԱԳՐԻ** շրջանակներում համատեղ գործունեության հետ կապված բոլոր ծախսերը կատարվում են և վնասները ծածկվում են **Մասնակիցների** փոխադարձ համաձայնությամբ:

4.9 **ՊԱՅՄԱՆԱԳՐԻ** շրջանակներում համատեղ գործունեության ընթացքում **Մասնակիցները** ցանկացած երրորդ կողմի/կողմերի նկատմամբ ծագած գույքային ու ոչ գույքային հարաբերություններում առաջնորդվում են՝

4.9.1 Հայաստանի Հանրապետության օրենսդրությամբ,

4.9.2 **«ԿՈՆՍՈՐՑԻՈՒՄ»-ի** յուրաքանչյուր կողմի սեփական շահով՝ Հայաստանի Հանրապետության օրենսդրությամբ սահմանված նորմերի ու գործարար էթիկայի կանոնների շրջանակներում:

4.10 **ՊԱՅՄԱՆԱԳՐԻ** շրջանակներում **«Գործընկեր Ա»-ն** պարտավոր է.

4.10.1 **ՊԱՅՄԱՆԱԳՐՈՎ** ներդրված գույքն ու ֆինանսական միջոցներն օգտագործել **ՊԱՅՄԱՆԱԳՐԻ** նպատակներին և նշանակությանը համապատասխան:

4.10.2 Անհապաղ տեղեկացնել **«Գործընկեր Բ»-ին Մասնակիցների** շահերին սպառնացող ցանկացած հանգամանքների մասին:

4.10.3 **ՊԱՅՄԱՆԱԳՐՈՎ** դադարելուց հետո, պարտատերերի հետ հաշվարկներ կատարելուց հետո **«Գործընկեր Բ»-ին** վերադարձնել ընդհանուր օգտագործման գույքում ունեցած վերջինիս բաժինը, ինչպես նաև **«Գործընկեր Բ»-ի** սեփականությունը հանդիսացող միջոցները:

4.10.4 Պարտաճանաչ ու բարեխիղճ վարել գործերը և կատարել **ՊԱՅՄԱՆԱԳՐԻ** դրույթները:

4.11 **ՊԱՅՄԱՆԱԳՐԻ** շրջանակներում **«Գործընկեր Բ»-ն** պարտավոր է.

4.11.1 Ժամանակին կատարել **ՊԱՅՄԱՆԱԳՐՈՎ** և լրացուցիչ համաձայնություններով նախատեսված իր պարտականությունները:

4.11.2 Մասնակցել համատեղ գործունեությանը և կատարել անհրաժեշտ ծախսեր:

## **5. ՄԱՍՆԱԿԻՑՆԵՐԻ ՓՈԽԱԴԱՐՁ ՀԱՇՎԱՐԿՆԵՐԸ**

5.1 **ՊԱՅՄԱՆԱԳՐԻ** շրջանակներում համատեղ գործունեության ընթացքում **Մասնակիցներից** յուրաքանչյուրը կրում է ինքնուրույն պատասխանատվություն իր պարտատերերի ու պետբյուջեի հետ առաջացած պարտավորությունների մասով:

5.2 **«ԿՈՆՍՈՐՑԻՈՒՄ»-ի** յուրաքանչյուր մասնակից **ՊԱՅՄԱՆԱԳՐԻ** շրջանակներում իրականացվող համատեղ գործունեության ընթացքում ներդնում է իր բոլոր անհրաժեշտ ֆինանսական, գույքային և ինտելեկտուալ ներուժը:

5.3 **ՊԱՅՄԱՆԱԳՐԻ** շրջանակներում համատեղ գործունեությունն ապահովելու համար **«ԿՈՆՍՈՐՑԻՈՒՄ»-ի** կողմերը կարող են Հայաստանի Հանրապետության օրենսդրությամբ սահմանված կարգով առևտրային բանկերից կամ վարկային կազմակերպություններից ստանալ վարկեր կամ փոխառություններ՝ դրանց համար կրելով օրենքով սահմանված պատասխանատվություն: **Մասնակիցները** համաձայնվում են **ՊԱՅՄԱՆԱԳՐԻ** նպատակներին հասնելու համար փոխառություն կամ վարկ վերցնելու դեպքում այն ձևակերպել **Մասնակիցներից** որևէ մեկի անունով, սակայն որպես փոխառության կամ վարկի ապահովման միջոց գրավադրել երկու **Մասնակիցներին** էլ սեփականության իրավունքով պատկանող գույք: Ստացված փոխառության կամ վարկի սպասարկման ծախսերը կողմերը կատարում են իրենց ստանձնած պարտավորություններին համամասնորեն:

## 6. ՄԱՍՆԱԿԻՑՆԵՐԻ ՊԱՏԱՍԽԱՆԱՏՎՈՒԹՅՈՒՆԸ

6.1 Մասնակիցներից յուրաքանչյուրը Աշխատանքների կատարման պայմանագրի իրականացման համար կրում է համատեղ և համապարտ պատասխանատվություն:

6.2 ՊԱՅՄԱՆԱԳՐԻ շրջանակներում Մասնակիցներից որևէ մեկ կողմից ՊԱՅՄԱՆԱԳՐԻՑ հրաժարվելու հետևանքով մյուս կողմին պատճառված վնասների հատուցումն իրականացվում է ՀՀ օրենսդրությամբ սահմանված կարգով:

6.3 Մասնակիցները պատճառված ռեալ վնասի չափով միմյանց առջև պատասխանատվություն են կրում ՊԱՅՄԱՆԱԳՐՈՎ ստանձնած իրենց պարտականությունները ոչ պատշաճ կատարելու դեպքում:

## 7. ՊԱՅՄԱՆԱԳՐԻ ՈՒԺԻ ՄԵՋ ՄՏՆԵԼԸ ԵՎ ԳՈՐԾՈՂՈՒԹՅԱՆ ԺԱՄԿԵՏԸ

7.1 ՊԱՅՄԱՆԱԳԻՐՆ ուժի մեջ է մտնում ստորագրման պահից և գործում է անժամկետ:

7.2 ՊԱՅՄԱՆԱԳԻՐԸ կարող է փոփոխվել կամ դադարեցվել՝ չխախտելով Պատվիրատուի հետ կնքվելիք պայմանագրի, ինչպես նաև ՀՀ օրենսդրությամբ սահմանված դրույթներն ու կարգերը:

## 8. ՎԵՃԵՐԻ ԼՈՒԾՈՒՄԸ

8.1 ՊԱՅՄԱՆԱԳՐԻ կապակցությամբ ծագած վեճերը լուծվում են բանակցությունների միջոցով:

8.2 Տաս օրվա ընթացքում բանակցությունների ապարդյուն լինելու դեպքում, Մասնակիցներից յուրաքանչյուրը իրավասու է դիմել դատարան ՀՀ օրենսդրությամբ սահմանված կարգով:

## 9. ԱՅԼ ԴՐՈՒՅԹՆԵՐ

9.1 ՊԱՅՄԱՆԱԳԻՐԸ կազմված է 4 (չորս) էջից, հայերեն լեզվով, կնքվում է երկու օրինակից, յուրաքանչյուր կողմին տրվում է մեկ օրինակ:

9.2 ՊԱՅՄԱՆԱԳՐՈՎ չկարգավորված հարցերը լուծվում են ՀՀ քաղաքացիական օրենսդրությամբ:

## 10. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ ԵՎ ԱՏՈՐԱԳՐՈՒԹՅՈՒՆՆԵՐԸ

«Գործընկեր-Ա»

«ՍԱՔՇԻՆ» ՍՊԸ  
Կոտայքի մարզ, Արգել 25,  
Այգետնակ 38  
«ՖԱՍԹ ԲԱՆԿ» ՓԲԸ  
Հ/Հ 2623575139321001  
ՀՎՀՀ 03549856

Տնօրեն՝ Ս. ՄԱՆՈՒԿՅԱՆ

(ստորագրությունը)  
Կ.Տ

«Գործընկեր-Բ»

«ԱՇՈՏ ԵՎ ՀԱՅԿ ԵՐԲԱՅՐՆԵՐ» ՍՊԸ  
ք. Չարենցավան 4-րդ թաղամաս 9-րդ  
շենք բնակարան 5  
«ՖԱՍԹ ԲԱՆԿ» ՓԲԸ  
Հ/Հ 2623575139991001  
ՀՎՀՀ 03021795

Տնօրեն՝ Լ. ՀԱՅՐԱՊԵՏՅԱՆ

(ստորագրությունը)  
Կ.Տ